



Jimwe im Maroñ ko an Jinen im Jemen

Jibañ ko ikijien Ukok ilo Kōnono im Jeje

Ewōr an aoleb jinen im jemen jimwe im maroñ ñan melele ko kōn an ajiri eo nejier jikuul im an jelalokjen ilo kajin eo rōmelele. Ien eo ajiri eo nejūm enaj dreloñ ilo jikuul, jikuul eo enaj kajitōk ibbam kajin ta eo kwokōnan kōjerbale ñe kwoj konono ibben jikuul eo. Menin ej jibañ jikuul eo jelā kōn ta aikuj ko am ikijien kajin eo am bwe ren maroñ kabbok im bojak kin juon riukok ak ukōti pepa ko ñan kajin eo am, ilo an ejellok wōnnen.

Ta ko kwomaroñ kōtmane kaki jen jikuul eo am im school district eo

Kwoj juon mōttan eo im eaurōk ilo an ajiri eo nejūm jikuul im kabukōt jelālokjen!

Jikuul eo ej aikuj kenono ibbam - ilo kajin eo am - kin jelalokjen eo an ajiri eo nejjum. Ekkā an kōnan wōr pepa ko emōj ukōti ñan kajin eo am im wōr juon riukok ñan ien kwelok ko im ien konono ko iben dron.

Ewōr am jimwe im maroñ ñan bōk jibañ kein jōkdron ñe kwojellā jidik kajin pelle im jōkdron ñe ajiri eo nejūm ejelā konono ak riit kajin pelle.

Jikuul eo ej aikuj kenono ibbam **ilo kajin eo am** kin melele ko raurok im bellok ko nan ajiri eo nejjum. Ekoba melele ko ikijien:

- Ien kanne eat ak ien register im dreloñ ilo jikuul
- Class ko, joñak ko kadōki ñan an juon rijikuul aikuij tōbari ilo juon class, im kadriwōjlok jen jikuul
- Rule ko an jikuul im kilen kipel im kajimwe rijikuul
- Jede im bed ilo class, ejakoko ko, im kabōjrake an jikuul
- Melim jen jinen ak jemen ñan makitkit ko ak birokraam ko
- Ājmour, kejbarok jen jorren, im ien idiñ ko
- Ien ko jikuul ej kilōk
- Ien ko remmantok ñan koortokjen im deloñe birokraam ko ak jermal in jibañ ko -- ekoba birokraam ko ñan ro elab aer kabeel, rijikuul ro rōlelok imaan ilo kilaaaj eo aer, im birokraam in katak kajin pelle ko jet
- Jikuul in ekatak ñan bōk jelālokjen im jermal in jibañ ko ñan rijikuul ro ewōr aer utamwe in ānbwin

Ien kwelok ko im ien konono ko ibben rikaki ro im rijerbal ro an jikuul eo

Ne kwoj kenaan ibben rikaki ak rijerbal in mwon jikuul eo, jikuul eo ej aikuj lewaj am riukok elane kwonaj aikuij juon. Ekoba ien kwelok ko an jinen ak jemen iben-rikaki, kwelok kin jikuul ñan jelālokjen an ro ewōr air utamwe, ak jabdewōt konono ko kōn jikuul im jelālokjen eo an ajiri eo nejūm.

Jikuul eo enaj kōjermal riukok ro wōt rōkabeel im likkun jelā kajin im jeje in belle im kajin eo am. Jikuul eo enaj likkun lale bwe riukok ro ren melele aoleb naan ak kōmelele ko naaj konono kaki ilo ien kwelok eo. Jikuul eo eban kojermal rijikuul ak ajiri bwe ren riukok.

Riukok eo ejjab aikuij jep iben juon im aikuj kwaloki aolep men ko konono kaki ilo ien ekkōnono eo. Rejjab aikuj ejjolak ak kakobaba lok bar naan ñan ta ko armij ro rej ba. Jikuul eo enaj likkun lale ñe



riukok ro rōmelele kōn jermal eo aer im aikuj eo bwe aaleb melele ko ren jab ajeded. Riukok eo emaroñ bed ilo ien eo ak bed ilo talepoon im emaroñ rijermal in district ak juon eo kar koontōrake jen likin.

Jikuul eo enaj lewaaje juon riukok ñan jabdewōt kwelok ak ien konono ilo mwon jikuul eo ikijen an ajiri eo nejūm jikuul ak ikijen jelalokjen eo an ajiri eo nejjum. Kwomaroñ bar kajitok ibben jikuul ñe kwaikuji juon.

Melele ko ilo jeje

Jikuul eo enaj ukōti melele ko raurok ilo jeje ñan kajin ko ekkā an armij konono ilo bukōn in jikuul eo. Ne kwoloe melele ko ilo kajin eo ejjab am, jouj im ba nan jikuul eo elane kwonaj konan bwe en ukok naan ko ilo jeje ak ilo kenono nan kajin eo am.

Kōmadmōdi kajitōk ko im abōnōnō ko

Jimwe im maroñ ko am kein!

Ekkar ñan kakien ko an state im federal ikijien jimwe im maroñ ko an armij, ewōr am jimwe im maroñ ñan bōk melele ilo kajin eo am. Ñe ewōr am abōnōnō kōn jermal in jibañ ko an jikuul eo kōn ukok ko - ak ñe rar jab lewaaje juon am riukok ak liwaji ukok ko kwar aikuji ---ewōr jet wewen ko komaroñ kelet in kōmmani.

1. **Kenaan ibben pirinjipōl eo ak juon rijermal in jikuul eo kwōjjab āliklik kake.** Kenaan ibben pirinjipōl eo ej buñten ne eo ekkā an emman tata ñan kōmadmōde abōnōnō ko am. Kōmeleleiki ta eo ear walok, im kalikar ñan pirinjipōl eo ta ko remaroñ jibañ kake ñan bukōt mejlan abōnōnō eo.
2. **Kōnnaan ibben school district eo am.** Kwomaroñ bar kirlok school district eo ñan am lemaanlok abōnōnō ko am. Kwomaroñ bar kirlok civil rights coordinator eo ak superintendent eo ilo opij eo an district eo.
3. **Kajitōk jibañ ñan bukōt mejlan abōnōnō ko am.** Kwomaroñ bar kirlok agency kein ñan melele ko relablok ikijien jimwe im maroñ ko am ak ñan bōk jibañ bukōt mejlan abōnōnō ko am.

Opij eo ej lale bwe en Jokkin wōt juon ñan Aoleb Armij im Jimwe im Maroñ ko an Armij (Equity and Civil Rights Office)

Opij eo an Superintendent eo ikijien Ekatak ko an Aolep Armij (Office of Superintendent of Public Instruction)

360-725-6162 | www.k12.wa.us/equity

Opij eo an Jikin Jelalokjen im ej Etale Abōnōnō ko (Office of the Education Ombuds)
206-729-3251 | oeo.wa.gov

4. **Kwomaroñ file e abōnōnō eo am.** Ñan file e juon abōnōnō, kōmeleleiki ta eo ear walok ilo jeje -- ilo jabdewōt kajin -- im jilkinlok ñan district eo ilo mail, email, ak make bōklok. Likkun lale bwe en wōr am make kabe ibbam.

District eo enaj etale abōnōnō eo am im uake waj kwe ilo jeje iloan 30 raan. Melele ko relablok kin wewen ko kwomaroñ keleti ikijien abōnōnō eo am rebed online ijin:

www.k12.wa.us/Equity/Complaints.aspx.

Jouj im jela bwe jikuul eo ejjab maroñ jumaik yok ak ajiri eo nejūm kōn am kwalok abōnōnō ko am ak kōn am file e juon abōnōnō.

